

Butun hayotini ilm-fanga bag'ishlab, ko'plab shogirdlar tayyorlagan, ammo buni minnat qilmagan ustozlar haqida gap ketganda ko'z o'ngimda taniqli fizik olim, akademik, kamtarin inson Tolib Musayevich Mo'minovning qiyofasi namoyon bo'ladi.

Tolib Mo'minov universitetga rektorlik qilgan davrda men fakultet dekani lavozimida ishlaganman va bu insonning haqiqat-go'yiligi, sof diligi, shu bilan birga, ta'lim va ilm-fanda qat'iyatligi, o'tkir mushohadasi bilan ko'pchilikdan ajralib turishiga ko'p guvoh bo'lganman.

Keyin esa u kishi rahbarlik qilayotgan Yadro fizikasi laboratoriyasiga Mo'min Qodirov bilan tez-tez borib turardik. Albatta, bu suhbatlarimiz asosan ta'lim va kadrlar tayyorlash to'g'risidagi bahs-munozaralardan iborat bo'lardi. Men filolog bo'lganim uchun goh-gohida suhbat yo'nalishini adabiyot va san'atga, ayniqsa, o'rta asrlar tarixi va madaniyatiga burishga intildim. Shunda Tolib Musayevich uzoq tariximiz, madaniyatimizning ajralmas qismi bo'lgan islom dini va madaniyati bo'yicha juda ko'p manbalarni, ma'lumotlarni bilishini ko'rib, hayratga tushardim. Domla agar biror bir holat bo'yicha ishonchli ma'lumotga ega bo'lmasa, bu masalada bahsga qo'shilmas edi. Suhbatdoshning fikriga qo'shilmas hollarda ham, unga malol kelmaydigan, uyaltirib qo'ymaydigan mazmunda gapirardi.

Sharof Rashidov nomidagi Samarqand davlat universiteti bosmaxonasida yaqinda akademik Tolib Mo'minovning 80 yilligi munosabati bilan chop etilgan bibliografiyani

CHINAKAM ZIYOLINING IBRATI

varaqlar ekanman, shu fikrlar xayolimdan o'tdi.

O'zFA, O'zMU va SamDU fizik olimlari jamoasi tashabbusi bilan tayyorlangan ushbu kitobda Tolib Mo'minovning hayoti, ilmiy-pedagogik faoliyati shogirdlari, hamkasb do'stlari, oila a'zolarining xotiralari keltirilgan. Bu xotiralarni o'qib, olimning butun umri faqat va faqat ilmga, ta'limga baxshida etilganiga amin bo'lasiz. Shunday bo'lishi ham tabiiy. Chunki Mo'minovlar sulolasining har bir vakili fidoyi, ilm yo'lida zahmat chekkan insonlardir.

Bu sulolaning kattasi Musa Mo'minov Ikkinchi jahon urushi davrida Samarqand davlat universitetini qayta tiklagan va uzoq vaqt rektorlik qilgan. Bu insonning katta o'g'li, fizik olim Maqsud Mo'minov ushbu dargohda dotsent, kafedra mudiri, dekan, o'quv ishlari bo'yicha prorektor lavozimlarida faoliyat yuritgan. Kichik o'g'li Kamoljon Mo'minov ham yadro fizikasi, astrofizika va kosmos fizikasi bo'yicha mutaxassis.

Musa Mo'minovning ukasi, ya'ni Tolib Musayevichning amakisi Ibrohim Mo'minov O'zbekiston falsafa maktabining asoschisi, O'zFA akademigi, Beruniy nomidagi davlat mukofoti laureati bo'lgan.

Akademik Tolib Mo'minov hayot bo'lganida bu yil 80 yoshni qarshilar edi. Afsuski, beshafqat o'lim u kishini 2021-yil dekabr

oyida oramizdan olib ketdi.

Bibliografiyada Tolib Mo'minovning hayoti, ilmiy faoliyati haqida batafsil hikoya qilingan. Bolalik yillaridan boshlab, umri-ning so'nggi kunlarigacha amalga oshirgan ishlari, ilmiy izlanishlari to'g'risida qimmatli ma'lumotlar berilgan.

Qayd etilganidek, u kishi 1960-yilda Samarqand shahridagi 37-o'rta maktabni tamolab, Samarqand davlat universitetining fizika fakultetida o'qigan. Universitetni imtiyozli diplom bilan tugatgan va oddiy muhandislikdan akademiklikkacha bo'lgan mashaqqatli va sharafli yo'lni bosib o'tdi.

U kishi ilmiy tadqiqot instituti direktori, universitet rektori yoki laboratoriya mudiri bo'lganida va boshqa katta-kichik vazifalarda ham vijdonan mehnat qildi. Insonparvarligi, sobitqadamligi, o'tkir zehni va buyuk iste'dodi bilan ilm-fanga xizmat qildi, o'nlab fan doktori va nomzodlarini tayyorladi, Samarqand va Toshkentda jahon olimlari e'tiboriga tushgan ulkan qurilmalar yaratdi, laboratoriya va institut tashkil etdi. Bu balandparvoz gaplar emas, Tolib Mo'minovni bilgan insonlar buni yaxshi his qilishadi.

Bugungi kunda Samarqand davlat universiteti rahbariyati, rektorimiz Rustam Xolmurodovning alohida e'tibori tufayli Tolib Musayevich asos solgan yadro fizikasi laboratoriyasi mamlakatimiz oliy ta'lim muas-



sasalari ichida eng zamonaviy, innovatsion tadqiqotlar o'tkazish imkoniyatiga ega markazlardan biriga aylandi. Laboratoriyaning infratuzilmasi yangilandi va modernizatsiya qilindi hamda universitet qoshidagi Muhandislik fizikasi institutining asosiy tarkibiy qismlaridan biriga aylandi.

Tolib Mo'minovning ko'p yillik ilmiy tadqiqot va ta'lim sohasidagi xizmatlari davlatimiz tomonidan yuqori baholangan. U kishi "Mehnat shuhrati" ordeni bilan taqdirlangan, Birlashgan yadro tadqiqotlari institutining faxriy doktori etib saylangandi.

Yetuk olimlarning ilmiy faoliyati, kashfiyot va ixtirolari, yutuqlari keyingi avlodlar uchun maktab bo'ladi, ilm-fanda yutuqlarga erishishda mayoq vazifasini o'taydi. Shu jihatdan Tolib Mo'minov yakuniga yetkaza olmagani ilmiy izlanishlarni ustozning ilm estafetasini sevimli shogirdlari Isobek Xolboyev, Umar Salihbayev, Anvar Inoyatov, Asqar Safarov, Orifjon Mamatqulov, Akmal Safarov va boshqalar sharafla davom ettiriyaptilar.

Shavkat MAHMATMURODOV.

SHU OYDA TAVALLUD TOPGANLAR

18-OKTABR

Abduaziz YUSUPOV
– (1927-2006) Samarqand shahrida tug'ilgan. O'zbekiston Respublikasida xizmat ko'rsatgan fan arbobi. Tibbiyot fanlari doktori, professor.

Fazliddin YOQUBJONOV
– 1945-yilda Samarqand shahrida tug'ilgan. Dirijyor. O'zbekistonda xizmat ko'rsatgan san'at arbobi.

20-OKTABR

Boboqui RUSTAMOV
– (1928-2004) Samarqand shahrida tug'ilgan. O'zbekiston Respublikasida xizmat ko'rsatgan fan arbobi. Tibbiyot fanlari doktori.

22-OKTABR

Bo'ri SALIMOV – (1935-2021) Xatirchi tumanida tug'ilgan. Veterinariya fanlari doktori, professor.

2024-yil uchun obuna bo'lishga shoshiling!

AZIZ DO'STLAR! VILOYAT "MATBUOT UYUSHMASI" MAS'ULIYATI CHEKLANGAN JAMIYATI

O'zbekiston Respublikasi va xorijiy davlatlarning vaqtli matbuot nashrlari (gazeta-jurnallar)ga 2024-yil uchun obuna qabul qilish va rasmiylashtirish boshlanganligini ma'lum qiladi.

Obunani Siz naqd holda, pul ko'chirish yo'li bilan va plastik kartochkalardan to'lash, "Matbuot uyushmasi" MCHJning barcha tuman, shahar uchastkalarida, "Matbuot" kiosklarida, korxonada, muassasa, o'quv yurtlari jamoatchilari, fuqarolarning o'zini o'zi boshqarish organlari, xususiy tadbirkorlar va jamoatchi tarqatuvchilar orqali hamda Samarqand shahri Gagarin ko'chasi, 84-uyda joylashgan "Matbuot uyushmasi" MCHJ bosh ofisida (mo'ljal - aviakassa) har kuni (shanba va yakshanba kunlari ham) soat 8:00 dan 19:00 gacha rasmiylashtirishingiz mumkin.

Murojaat uchun telefonlar:

66-234-22-53, 234-94-37, 234-93-96.

Bizda gazeta va jurnallarga obuna fuqarolarning ish (o'qish) joyiga, uy manziliga yaqin joylashgan "Matbuot" kioskasiga yetkazish sharti bilan rasmiylashtiriladi. Jamiyatimizda Siz O'zbekiston Respublikasi va xorijiy davlatlarning vaqtli matbuot nashrlariga hamda viloyatimiz gazetalariga obuna bo'lish imkoniyatiga egasiz.

BIZ SIZGA GAZETA VA JURNALLARNI YETKAZISH BO'YICHA ENG MA'QUL NARXLARNI TAKLIF ETAMIZ.

"Matbuot uyushmasi" MCHJning barcha xodimlari Sizga namunali xizmat ko'rsatishga tayyor!



MUASSIS: Samarqand viloyati hokimligi

Bosh muharrir: Farmon TOSHEV

Gazeta O'zbekiston matbuot va axborot agentligining Samarqand viloyat boshqarmasida 2012-yil 30-martda 09-01 raqam bilan ro'yxatga olingan. Nashr 100. Indeks 438. 16 455 nusxada chop etildi. Buyurtma 567. Hajmi 2 bosma taboq, bichimi A-2

Gazeta haftaning seshanba, payshanba va shanba kunlari chiqadi.

QABULXONA: (66) 233-91-51, **REKLAMA VA E'LONLAR:** (66) 233-91-56

BO'LIMLAR: (66) 233-91-57, 233-91-58, 233-91-59, 233-91-61

MANZILIMIZ: 140100, Samarqand shahri, Ulug' Tursunov ko'chasi, 80-uy, Matbuot uyi.

Gazeta «Zarafshon» tahririyatining kompyuter bo'limida sahifalandi.

«Noshir lux» MCHJ bosmaxonasida chop etildi.

Korxonada manzili: Samarqand shahri, Spitamen ko'chasi, 270-uy.

Bosishga topshirish vaqti: soat 18:30 da.

Bosishga topshirildi: soat 19:00

Navbatchi muharrir:

G'.HASANOV.

Navbatchi:

S.MARDIYEV.

Sahifalovchi:

B.ABDULLAYEV.



Saytimizga o'tish uchun QR-kodini telefoningiz orqali skaner qiling

ISSN-201667X



9 1772010667009

Sotuvda narxi kelishilgan holda